

ŠULSKE NOWINY



Serbska wyša šula Ralbicy
UNESCO projektna šula
www.sorbische-schule-ralbitz.de

Nazymnik 2023
28. lětnik, 278. wudaće

Ralbičenjo třeće městno dobyli

Druhe sportowe wubědźowanje serbskich šulow „Sportej zdar 2023!“ kónc septembra w Slepom su šulerki a šulerjo Serbskeho gymnazija Budyšin dobyli. Druhe městno wobsadži zakitowar pokala, Serbska wyša šula Worklecy. Ralbičenjo na třećim městnje mějachu dwaj dypkaj wjace, hač hosćicieljo Wyšeje šule Slepó. Zarjadowarjej a wuhotowarjej běštej znowa Serbske šulske towarstwo a Serbski Sokol zhromadnje ze Slepjanskimi šulerjemi a wučerjemi.

Šulerki a šulerjo Serbskeje wyšeje šule Ralbicy wjeselachu so jara nad třećim městnom. Wubědźowali běchu so w šěšć disciplinach: wysokoskok, dalokoskok, sprint, darts, mjetanje bulikow/kulostork a stafłowy běh. Połnje začišćow a z dobrej naladu nawróćichu so do Delan.

- tekst: Jan Rjeda; foto: Tomáš Šořta -



Wjesnjanosta na wopyće w šuli

Kónc septembra přeprašeštej sej rjadowni 8/1 a 8/2 we wobłuku wučby towaršnowědy z knjezom Zahrodnikom a knjeni Krječmanowej wjesnjanostu gmejny Ralbicy-Róžant, knjeza Ryčerja. Po krótkim předstajenju gmejny přewjedžechmy interview z prašenjami, kotrež běchu šulerki a šulerjo přihotowali. Knjez Ryčer wotmołwi na prašenja k twarej noweje pěstowarnje abo tež k nadawkam wjesnjanosty. Nimo toho poda wón dohlad do hospodarskeho planowanja ze zwisowacymi rozsudami. Džakujemy so knjezej Ryčerjej za čas, wotewrjene wucho a zajimawy dohlad do gmejny.

- Judit Šurec -

Mlokarnju wopytali a twarožk woptali

Na septemberskej srjedže podachmy so ze 7. lětnikom na pućowanski dzeń do Koćiny. Z kolesom startowachmy při Ralbičanskej šuli a jědžechmy mjez druhim po lěsnych pućikach hač do Koćinskeje mlokarnje. Na spočatku wobhladachmy sej



ćelata, po tym mějachmy wjedženje po noweje hródzi a dožiwichmy moderne dejenje kruwow z roboterami. Na městnje smědžachmy tohorunja twarožk a mloko woptać. Po tym rozkładowachu nam fachowcy z ratarskeho zawoda, što so z hnojom stawa a kak so z mloka butra, twarožk a dalše produkty zhotowjeja. Dale zhonichmy, kak tamniša bioptunowa připrawa džžeta. Na kóncu móžachmy sej twarožk a samočinjeny lód kupić a wěrcé nam - to je stódžato. Po wopyće mlokarnje podachmy so dale z kolesami do Kulowca, hdžež dachmy sej dobre spagetije zestódžec. Derje nasyceni podachmy so zaso wróco do Ralbic.

- tekst: Jan Rjeda; wobrazaj: Julija Serbinec -

Neplace žně w Salowje



Pjatk, dnja 22. požnjenca podachmy so z knjezom Wowčerjom a knjeni Koberowej na burski statok ke Korchecom, dokelž chcychmy neplace žně kaž w prjedawšich časach dožiwić. Startowachmy rano z kolesami z Ralbic do Salowa. Po krótkej snědani podachmy so hnydom do džěła na polo k neplezběranju.

Džěłachmy pilnje a zasobu. Knjez Korch bě z nami jara spokojom. Po dwuhodžinskim džěle wróćichmy so z połnym wozom wróćo ke Korchecom. Tam čakaše na nas wot pilnych kucharkow nawarjeny stódnj wobjed. Čerstwe nazběrane samobělene neple z twarohom a lanym wolijom nam jara stódzachu. Samo z pićom buchmy zastarani kaž w prjedawšich časach - z kisałej wodu. To bě cyle jednorje woda z kisałom a cokorom. Naposledk podžakowachmy so pola Korchec za rjany džej a podachmy so wróćo do Ralbic.

- tekst: lětnik 8/2; wobrazy: Michał Wowčer -



Na slědach Njehorńskeho

Šulerjo a šulerki 6. lětnika podachu so dnja 26.09.2023 zhromadnje z knjeni Serbinec, knjeni Hrjehorjowej a knjeni Krječmanowej na ekskursiju do Njehornja. Z busom dojdźechu sej do ródneje wsy serbskeho wuměta Měrcina Nowaka-Njehorńskeho. Wot knjeni Pinkawineje, kotraž wjedžeše rjadownju po ródny domje a atelieru, zhonichu šulerjo a šulerki mnoho wo nadarjenym wumětcu a grafikarju, kotryž je znaty za zwobraznjenje serbskich powěšćowych figurow kaž připołdnica, wódny muž abo plon. Z informacijemi zamóžachu woni na prašenja spřihotowaneho kwisa wotmołwić. Při slónčnym wjedrje sedžachu wšitcy w zahrodze a wuhotowachu z motiwom ródneho doma mnoho kreatiwnych rysowanow. Jako dźak za wjedženje zaspěwachu šulerjo a šulerki znaty spěw „Chcył něhdy w holi Mužakec“ a wróćichu so z kopicu nowych začišćow do domizny.

- tekst: Victoria Krječmanowa, wobrazaj: Julija Serbinec -



INFORMACIJE - TERMINY - WŠELČIZNY

- | | |
|--------------------------|--|
| 1. nazymnika | Wšěch swjatych |
| 2. nazymnika | 9. lětnik wopyta Lessingowy muzej w Kamjencu |
| 22. nazymnika | pokutny dzeń |
| wot 23. do 27. nazymnika | 70. narodniny UNESCO-projektnych šulow |